

Матфеин 16 бөлг.

1. Фарисеймуд болн садукеймуд Терүн тал өөрдж ирв. Тедн Иисусиг жилвтүлэд, теңгрэс темдгүд үзүлтхэ гиж сурв.
 2. Теднд Тер ииж хэрү өгв: «Асхн болхла, тадн келнэт: теңгрин бээдл сэн болх, юңгад гихлэ теңгр улан,
 3. өрүн болхла: эндр чиг-боран болх, юңгад гихлэ теңгр бүркг.» Хойр чирэтэ улс! Теңгрин бээдл ийлһж чаднат, зуг цаг шинжлж чаджахшийт?
 4. Хуульчлгдсн болн иткл уга үйнр теңгрэс темдгүд хээнэ. Таднд Иоанна ээлдэчин темдгүдэс талдан темдгүд өггдшго.»
 5. Терүнэ сурһульчнр теңгсин көвэ һатлад һархларн, өдмг авхан мартсн бээж .
 6. Иисус эднд келв: «Фарисеймудын болн садукеймудын искэдг экнэс саглтн.»
 7. Тедн хоорндан ухалад келцхэв: «Өдмг эс авснд маднд тиигж келжэхмб?»
 8. Иисус терүгинь медэд иигж келв: «Баһ итклтэ улс, тадн өдмг эс авсндан һунджахмт?
 9. Ода чигн тадн юм медсн угавт?
- Тавн өдмгэр тавн миңһн кү цадхсна тускар тадн мартчквт? Кедү зембль өдмг цуглулж авлат?
10. Болн долан өдмгэр дөрвн миңһн кү цадхсинь бас мартчквт? Дәкн кедү зембль өдмг цуглулж авлат?
 11. Юңгад тадн эс медж чаджахшит? Би өдмгин тускар келжэхшв, садукеймудын болн фарисеймудын искэсн экнэс бийән саглж йовтн гиж келжәнэв.»
 12. Иисус өдмгин экнэ тускар биш, фарисеймудын болн садукеймудын дасхжах сурһуляс бийән саглтн гиж теднд келжэхнь медж авцхав.

13. Филиппа Кесарин нутгт ирэд, Иисус Эврэннь сурһульчһрас сурв: «Өмтн Намаг Күмни Көвүг кен гиж тоолжана?»

14. Тедн иим хэрү өгв:«Зэрмнь уснд кирсдг Иоанн гиж тоолжана, талдань Илия гицхэнэ, наадкснь Иеремия эс гиж ээлдэчһрин негнь гиж тоолжана.»

15. Тер сурв: «Тадн бийстн Намаг кен гиж тоолжанат?»

16. Симон Пётр келв: «Та — Христос, Өмд Бурхна Көвүн!»

17. Тиигхлэ Иисус терүнд иим хэрү өгв: «Иоанна көвүн Симон, чи буйн кишгтэч, юңгад гихлэ чамд энүг күн биш, Мини Теңгрин Эцк секв.

18. Тегэд Би чамд келжэнэв: «Чи – Пётр! Эн Чолун деер Би Эврэннь Чонж тосхнав, үклин-тамин чидл Мини Чонжиг диилж чадшго!

19. Би чамд Теңгрин орн-нутгин түлкүрнь өгхв. Һазр деер чи боосн юмиг теңгр деер боогдх, һазр деер чи тээлсн юмиг теңгр деер тээлгдх?»

20. «Намаг Христос - бичэ күүнд келтн»- тийж Эврэннь сурһульчһртан закв.

21. Тер цагас авн Иисус Эврэннь сурһульчһртан Иерусалим тал йовхин тускар эклэд келэд бээв. Тенд медэтһрэс, Бурхна ах эрүн болн дегтр бичдг улсас икэр зовхан медүлв. Терүнэ эмнь таслхинь, болв һурвдгч өдртнь Иисус эмдрхин тускар медүлэд келсмн.

22. Пётр Иисусиг хооран дуудад келв: «Бийэн Деед Эзн хээрлтн! Танла тиим юмн бичэ болтха!»

23. Иисус Пётр тал эргэд келв: «Эрлг! Нанас цааран йов. Чи Намаг жилвтүлхэр седжэнэч, юңгад гихлэ чи Бурхна тускар ухалжаһшич, күүнэ ухаһар ухалжанач!»

24. Түүнэ хөөн Иисус Эврэннь сурһульчһртан келв: «Кен Мини келсн үгэр бээхэр седэд, Намаг дахад йовхар бээхлэ, эврэннь кирсэн авад Намаг дахтн.

25. Юңгад гихлэ эврәннь әмән хадһлхар бәәсн күн - терүгән геех, зуг кен Мини төлә эврәннь әмән геехәр бәәхлә - тер әмән геешго.

26. Кемр ямаран чигн күн цуг делкә эзлж авад, зуг бийиннь әмән геехлә ямаран олзта тер болхмб?

27. Юңгад гихлэ Күмни Көвүн Эврәннь Эцкин туурмжд болн Эврәннь элчнртәһән ирсн цагт, күн болһнд бийиннь кесн кергәрнь өггдх.

28. Үнәр келжәнәв: ода энд зогсжасн тадн дундас зәрмнь әмд бәәһәд, Күмни Көвүг Эврәннь Теңгрин Бурхна орн-нутгт йовсинь үзх.»